

Uunga siunnersuut: Inissianik aningaasalersuisarneq pillugu Inatsisartut inatsisaata allanngortinneqarnera pillugu Inatsisartut inatsisaat nr. xx, xx. xxx 2019-imeersoq.
(Inissialiortiternermut tapiissutitalimmik illulianik iluarsaassinermut, pitsannngorsaanermut alliliinermullu taarsigassarsititsisarneq tapiissuteqartarnerlu)
Ineqarnermut Attaveqaqatigiinnermullu Naalakkersuisoq

pillugu

Sanaartornermut Ataatsimiititaliap

siunnersuutip pingajussaaneernejarneranut

ILASSUTITUT ISUMALIUTISSIISSTAA

Ataatsimiititaliap suliarinninnermini ilaasortarai:

Inatsisartunut ilaasortaq Anders Olsen, Siumut, siulittaasoq
Inatsisartunut ilaasortaq Aqqaluaq B. Egede, Inuit Ataqatigiit, siulittaasup tullia
Inatsisartunut ilaasortaq Nikkulaat Jeremisassen, Siumut
Inatsisartunut ilaasortaq Justus Hansen, Demokraatit
Inatsisartunut ilaasortaq Pele Broberg, Partii Naleraq

UKA 2019-mi Ulloq 19. novembari 2019 aappassaaneerinninnerup kingorna siunnersuut ataatsimiititaliamit misissorneqarpoq.

Siunnersuutip imarisaa siunertaalu

Ataatsimiititaliap aappassaaneerinninnissamut isumaliutissiissutaanut iluarsissut 15. november 2019-imik ullulerneqartoq innersuussutigineqarpoq.

Siunnersuutip Inatsisartunit siullermeernejarnera

Ataatsimiititaliap aappassaaneerinninnissamut isumaliutissiissutaanut iluarsissut 15. november 2019-imik ullulerneqartoq innersuussutigineqarpoq.

Tusarniaanermut akissutit

Ataatsimiititaliap aappassaaneerinninnissamut isumaliutissiissutaanut iluarsissut 15. november 2019-imik ullulerneqartoq innersuussutigineqarpoq.

Ataatsimiititaliap siunnersuummik suliarinninnera

Ulloq 19. november 2019-imi aappassaaneerinninnermi UKA 2019/140 ataatsimiititaliamit suliarineqartussanngorlugu innersuuteqqinneqarpoq. Aallarniutigalugu oqaatigineqassaaq annerpaamik tapiissutigineqarsinnaasut 150.000 kr.-it ataatsimiititaliamit naapertuussorineqarmata. Qinnuteqarsinnaasunut killiliunneqartoq pillugu ataatsimiititaliaq allannguutissatut siunnersuummik saqqummiussissaaq, taamaalilluni qinnuteqarsinnaasut inoqutigiittut isertitaat 180.000 kr.-init 300.000 kr.-inut amerlineqarlutik. Tamatumunnga pissutaavoq ilaatigut ilaqutariit meerartallit aammalu soraarnerussutisiallit inissiaminnik iluarsaanissamut, pitsanngorsaanissamut imaluunniit allilerinissamut tapiissutinik qinnuteqarnissamut periarfissaqarnissaat Sanaartornermut Ataatsimiititaliamit immikkut kissaatigineqarmat.

Tamatuma saniatigut soraarnerussutisiallit 2020-mit saniatigut isertitaqarnissamut periarfissaminnik atuerusuttut illuminnik iluarsaanissamut taarsigassarsinissamut periarfissaminnik aamma atuisinnaanissaat ataatsimiititaliamit kissaatigineqarpoq. Isertitanut killigitinneqartup ukiumut 300.000 kr.-inut qaffanneratigut illunik tapiissutitalinnik sanaartukkanik iluarsaaneg ataavarnerusumik ingerlanneqarsinnaassasoq ataatsimiititaliamit naatsorsuutigineqarpoq.

Qinnuteqarsinnaasut amerlassuserisinnaasaat ataatsimiititaliamit suli missilioruminaatsinneqarpoq, isertitatigullu killiliussap qaffanneratigut qinnuteqarsinnaasut amerleriarnissaat ilimagisariaqarpoq.

Eqikkaalluni ataatsimiititaliap siunnersuummik siullermeerinnilluni suliarinninneq innersuussutigisariaqarpaa, tamatumani Ineqarnermut Attaveqarnermullu Naalackersuisup paasissutissiissutigaa aningaasat tapiissutissat qinnutigineqarsinnaasut atorneqaratik amerlanertigut uninngaannartartut. Minnerunngitsumik 2018-imi 1.000.000 kr.-it missaannaat atorneqarnerat eqqarsaatigalugu. Taamaalilluni qinnuteqarnissamut periarfissat tamakkiisumik atorneqarsimasorinangillat, tamannalu ataatsimiititaliamit ajuusaarnartinneqarpoq.

Kommuni sulianik assigiimmik suliarinnittarnissap qulakkeerneqarnissaanut malittarisassanik sapinngisamik piaarnerpaamik aalajangersaanissamut Naalackersuisut ataatsimiititaliamit kaammattorneqarput.

Siunnersuutip aningaasatigut kingunerisassai

Siunnersuutip piviusinngortinneqarnerani aningaasatigut kingunerisassat siunnersuummut nalinginnaasumik nassuiaatini allaaserineqarput. Tassani allassimavoq konto pingaarneq 87.72.23, inissialiortiternermut tapersiissutitut iluarsaassinissamut tapiissutitut tunngasoq, ukiuni missingersuusiorfinni 2020-2022-mi kommuninut nuunniarneqartoq. Kommunit akornanni agguaassinissaq Namminersorlutik Oqartussat kommuninut ataatsimoortumik tapiissutissaat pillugit isumaqatigiinniarnernut ilaatinneqarpoq.

Tapiissutitalimmik inissialiortiternermut suliassa qarfiup 2022-p kingorna aningaasalersorneqarnissaa qanoq qulakkeerneqalersaarnersoq Naalakkersuisut tungaannit oqaatigineqanngimmat ataatsimiititaliap isumakulunnartikkini naggasiullugu oqaatigissavaa. Taamaaliornikkut kommunit aningaasartuuteqarneruleratarsinnaapput. Taamaattumillu tassunga naatsorsuutigisatik paasissutissiissutigeqqullugit Naalakkersuisut ataatsimiititaliamit qinnuigineqassapput.

Ataatsimiititaliap inassuteqaatai

Ataatsimiititaliap isumaqatigiittoq allannguutissatut siunnersuummik saqqummiussivoq.

Taama oqaaseqarluni isumaliutissiisummilu allassimasutut paasinnilluni ataatsimiititaliap siunnersuut pingajussaaniigassanngortippaa.

Anders Olsen
Siulittaasoq

Aqqaluaq B. Egede
Siulittaasup tullia

Nikkulaat Jeremiassen

Justus Hansen

Pele Broberg

